

## **ОБРАЗЛОЖЕЊЕ**

### **UZ NACRT PRAVILNIKA O IZMJENI I DOPUNI PRAVILNIKA O REGULATORNIM NAKNADAMA**

Regulatorna komisija za energiju u Federaciji Bosne i Hercegovine – FERK ovim obrazloženjem objašnjava pravni i činjenični osnov za donošenje Nacrta pravilnika o izmjeni i dopuni Pravilnika o regulatornim naknadama.

Obrazloženje je izrađeno da bi se omogućilo javnosti razumijevanje pravnog osnova koji FERK mora uvažavati u postupku donošenja opštih akata kojima se, na osnovu zakonskog ovlaštenja, na opšti način uređuju pravni odnosi u cilju razrađivanja i primjene pojedinih zakonskih odredbi vezanih za naknade koje plaćaju imaoци FERK-ovih dozvola, uključujući jednokratne naknade za obradu zahtjeva kojima se pokreću postupci pred FERK-om.

#### **I PRAVNI OSNOV**

**Zakon o energiji i regulaciji energetskeг djelatnosti u Federaciji Bosne i Hercegovine („Službene novine Federacije BiH“, broj 60/23)**

Članom 36. stav (1) Zakona o energiji i regulaciji energetskeг djelatnosti u Federaciji Bosne i Hercegovine propisano je da se FERK finansira iz prihoda od regulatornih naknada koje naplaćuje od imalaca dozvola koji se bave energetskeг djelatnostima, jednokratnih naknada koje se obračunavaju za provođenje pojedinačnih postupaka iz regulatornih nadležnosti, i ostalih prihoda koje ostvaruje u skladu zakonom, dok je stavom (2) istog člana propisano da FERK donosi pravilnik kojim se utvrđuje visina naknada iz stava (1) tog člana.

#### **II RAZLOZI ZA DONOŠENJE PRAVILNIKA**

U cilju izvršenja svoje nadležnosti FERK je utvrdio Nacrt pravilnika o izmjeni i dopuni Pravilnika o regulatornim naknadama.

Osnovni razlog za donošenje Nacrta pravilnika o izmjeni i dopuni Pravilnika o regulatornim naknadama je potreba da se tabela, u kojoj su iskazane vrste zahtjeva kojima se pokreću postupci pred FERK-om i iznosi jednokratnih naknada za obradu istih, dopuni sa zahtjevom za sticanje statusa zatvorenog distributivnog sistema i da se iz iste izbriše zahtjev za izmjenu statusa kvalifikovanog proizvođača, kao i da se povrat jednokratne naknade za obradu zahtjeva kojima se pokreću postupci pred FERK-om osigura i u slučaju odustanka podnosioca prije donošenja odluke o sticanju statusa kvalifikovanog proizvođača i odluke o sticanju statusa zatvorenog distributivnog sistema. Pošto bi dopuna jednog reda tabele i brisanje drugog reda tabele dovelo do niza tehničkih izmjena u istoj, a time i do otežanog praćenja sadržaja tabele, FERK se opredijelio za regulisanje ove materije kao u Nacrtu pravilnika o izmjeni i dopuni Pravilnika o regulatornim naknadama.

#### **III PREDMET RAZMATRANJA PRAVILNIKA**

Nacrtom pravilnika o izmjeni i dopuni Pravilnika o regulatornim naknadama propisuje se iznos jednokratne naknade za obradu zahtjeva za sticanje statusa zatvorenog distributivnog sistema,

briše zahtjev za izmjenu statusa kvalifikovanog proizvođača, te propisuje pravo na povrat jednokratne naknade za slučaj odustanka podnosioca prije donošenja odluke o sticanju statusa kvalifikovanog proizvođača i odluke o sticanju statusa zatvorenog distributivnog sistema.

#### **IV SVRHA OBRAZLOŽENJA**

Svrha obrazloženja je informisanje javnosti o činjeničnim i pravnim osnovima Nacrta pravilnika o izmjeni i dopuni Pravilnika o regulatornim naknadama.

Ukoliko se iz sažetka komentara zainteresovanih lica ocijeni da je neophodna suštinska revizija Nacrta pravilnika, FERK će obnoviti postupak opšte rasprave, u skladu sa članom 36. stav (2) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“, broj 95/23) i članom 12. stav (2) Pravilnika o javnim raspravama („Službene novine Federacije BiH“, broj 95/23).

Ukoliko su komentari takve prirode da ne zahtijevaju suštinsku izmjenu ili ukoliko FERK odluči da ne vrši reviziju predloženog teksta, isti će staviti na dnevni red redovne sjednice, razmotriti i usvojiti.

#### **V PLANSKE AKTIVNOSTI FERK-a**

Nacrt pravilnika o izmjeni i dopuni Pravilnika o regulatornim naknadama FERK je usvojio na VIII redovnoj sjednici održanoj 4.4.2024. godine. Obavještenje o održavanju sjednice objavljeno je 29.3.2024. godine na službenoj internet stranici FERK-a.

Uz Nacrt pravilnika FERK je na istoj sjednici usvojio i tekst obrazloženja uz ovaj nacrt i utvrdio tekst obavještenja za javnost, za prikupljanje komentara i održavanje usmene opšte rasprave. Obavještenje za javnost za prikupljanje komentara i održavanje usmene opšte rasprave tokom koje će FERK primati komentare javnosti, objavit će se na službenoj internet stranici FERK-a.

Zainteresovana pravna i fizička lica mogu podnositi pisane komentare na Nacrt pravilnika o izmjeni i dopuni Pravilnika o regulatornim naknadama u periodu od dana objavljivanja obavještenja do dana isteka roka za podnošenje pisanih komentara. Nacrt pravilnika sa obrazloženjem moći će se preuzeti u sjedištu FERK-a, na protokolu, Kneza Domagoja 12 A u Mostaru ili na službenoj internet stranici FERK-a [www.ferk.ba](http://www.ferk.ba) u periodu od 5.4. do 16.4.2024. godine, kada ističe rok za podnošenje pisanih komentara. Pisani komentari moraju biti potpisani.

FERK će održati usmenu opštu raspravu o Nacrtu pravilnika 15.4.2024. godine, u Mostaru, u prostorijama FERK-a, sa početkom u 10:00 sati.

Na usmenu opštu raspravu mogu doći sva zainteresovana pravna i fizička lica, kojim će se pružiti mogućnost davanja komentara na Nacrt pravilnika. Vremenski rok za davanje komentara bit će ograničen u skladu sa uputstvima datim tokom opšte rasprave. Voditelj rasprave je lice koje odredi FERK.

Svi primljeni pisani i usmeni komentari će biti pažljivo razmotreni, te će isti uz izvještaj voditelja postupka sa opšte rasprave biti objavljeni na službenoj internet stranici FERK-a.

Prijedlog pravilnika o izmjeni i dopuni Pravilnika o regulatornim naknadama pripremljen od voditelja postupka opšte rasprave bit će razmatran u svrhu usvajanja na redovnoj sjednici FERK-a koja će se održati u skladu sa planom rada FERK-a o čemu će javnost biti blagovremeno obaviještena.

Kada bude usvojen, Pravilnik o izmjeni i dopuni Pravilnika o regulatornim naknadama se dostavlja na objavu „Službenim novinama Federacije BiH“.

FERK zadržava pravo izmjene ovih planskih aktivnosti.